

PRIJEDLOG

Na osnovu člana 51. Zakona o šumama ("Službene novine Zeničko-dobojskog Kantona" broj 08/13 i 01/15), člana 3. Odluke o načinu raspodjele i korištenja finansijskih sredstava prikupljenih po osnovu kontinuirane i jednokratne naknade od koncesija broj: 02-14-2098/13 od 24.01.2013. godine i člana 18. Statuta Općine Maglaj („Službene novine Općine Maglaj“, broj 8/07,3/08,6/08) i na osnovu Odluke o izvršavanju Budžeta - Proračuna Općine Maglaj za 2018. godine, Općinsko vijeće Općine Maglaj na sjednici održanoj dana 2018. godine, d o n o s i

O D L U K U

o načinu utroška sredstava ostvarenih po osnovu " naknade za korištenje državnih šuma i naknade iz koncesije za 2017. godinu“

Član 1.

Donosi se Odluka o načinu utroška sredstava ostvarenih po osnovu "kontinuirane naknade za korištenje državnih šuma za 2017. godinu na području općine Maglaj i naknade iz koncesije za 2017. godinu“.

Član 2.

Sredstva doznačena po osnovu naknada iz člana 1. ove odluke u iznosu od 24.554,01 KM na ime naknada za korištenje državnih šuma i iznos od 11.175,27 KM na ime naknada za koncesiju, teretiti će budžet općine Maglaj za 2018. godinu.

Član 3 .

Daje se saglasnost Općinskom načelniku da se doznačena sredstva po osnovu naknada iz člana 1. i 2. ove Odluke mogu koristiti za sanaciju infrastrukturnih objekata na području općine Maglaj.

Član 4.

Radovi koji će se finansirati sredstvima iz člana 2. ove Odluke dodjeliti će se Izvođačima koji su odabrani u skladu sa Zakonom o javnim nabavkama BiH.

Član 5.

Za realizaciju ove Odluke zadužuje se Služba za urbanizam geodetske i imovinsko pravne poslove.

Član 6.

Ova Odluka stupa na snagu danom donošenja.

Broj:
Datum:

PREDSJEDAVAJUĆA OV
Svjetlana Zamboni

O b r a z l o ž e n j e

Pravni osnov za donošenje Odluke o načinu utroška sredstava ostvarenih po osnovu " naknada za korištenje državnih šuma i naknade iz koncesije za 2017. godinu", sadržan je u čl.51. Zakona o šumama ("Službene novine Zeničko-dobojskog Kantona" broj 08/13 i 01/15) i čl.2. i 3., Odluke o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija broj 02-14-2098/13 od 24.01.2013. godine, koju je donijela Vlada Zeničko-dobojskog kantona..

Članom 51.stav 1. Zakona o šumama je regulisano da: Naknada za korištenje državnih šuma i šumskog zemljišta iz čl.38. ovog zakona obračunava se od prihoda od drveta računajući cijenu drveta na panju i od prihoda ostvarenog od nedrvnih šumskih proizvoda i uplaćuje se :

- a) 2,0 % na račun Budžeta,
- b) 5,0 % na namjenski račun općine na čijoj teritoriji se ostvaruje prihod.

Članom 2. Odluke o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija broj: 02-14-2098/13 od 24.01.2013. godine, koju je donijela Vlada Zeničko-dobojskog kantona je određeno „Naknade za predmete koncesije iz čl. 2.stav 1. Tačke 1., 2.,3.,4.,6.,7., i 8., Zakona o koncesijama Zeničko-dobojskog kantona, koncesionari su dužni uplaćivat na račun Kantona koji će vršiti raspodjelu sredstava u omjeru: 70% općini na čijoj teritoriji se obavlja koncesiona djelatnost i 30 % Kantonu.

Naknada za predmete koncesije iz čl. 2.stav 1. tačka 5., 9.,10., 11., 12., i 13., Zakona o koncesijama Zeničko-dobojskog kantona su 100% prihodi općine gdje se obavlja koncesiona djelatnost.

„ Članom 3. Iste Odluke je određeno da „ Sredstva oprihodovana na način iz čl.2.ove Odluke , općina može trošit ishodno važećim propisima.

O programima realiziranim iz sredstava koje općine dobiju od kantona kao i visini uloženi sredstava , općinska vijeća su dužna jednom godišnje informisati resorno ministarstvo.“

Sredstva u iznosu od 24.554,01 KM su doznačena po osnovu naknade za korištenje državnih šuma i zakona o šumama, dok su sredstva u iznosu od 11.175,27 KM doznačena po osnovu naknada iz koncesije i ista će se koristiti za sanaciju infrastrukturnih objekata na području općine Maglaj.

Zbog toga Služba za urbanizam geodetske i imovinsko pravne poslove dostavlja Prijedlog Odluke o načinu utroška sredstava ostvarenih po osnovu " naknade za korištenje državnih šuma, i naknade iz koncesije za 2017. Godinu“ i predlaže usvajanje iste.

Obradila :Saračević jasminka dipl.pravnik

Kontrolor:Hajrulahović Fuad dipl.ing.arh.



Predlagač
Općinski načelnik
Mirsad Mahmutagić